

Das vier vnd zwanzigst Capitel.

Von den zahmen vnd wilden Thieren / so vmb
disen See gefunden werden / vnd etwas von dersel-
bigen Eygenschaften vnd Na-
turen.

Weyl diß Land / vmb den ganken See herumb / mit wunder schö-
nen Watten / auch vil vnd grossen Weidböden / besonders
aber die Berg vnd Zuthäler / grasshafft vnd weidreich / dan-
nenhero allenthalben / in diserer Vier Waldstätten Landtschafft /
für auß in den Höhenen vnd zu oder bey Thälern ein vnaussprechliche
Vile / Rinder / Viehs / als Kühe vnd Ochsen / Schaff / vnd Geis-
sen ernehret werden / wie Com. Ran. Scot. lib. 1. de Heluetia. schreibt. Es
fallend auch da herumb / schöne vnd gute Pferd / vnd beflisset man sich
der Rosszucht / eben so wol / als der Viehzucht / Winterszeit eiset man
das Höw mit denselbigen / zu Fräeling vnd Herbst Zeit behilffet man sich
der heimbschen vnd zahmen Wenden / im Sommer aber / hat man
Zuhinder / in den Thälern vnd vmb die Spitze der Berg herumb / gu-
te / küle vnd grassreiche Alpen / da das Vieh / eben wol zunimpt vnd
mastig wirdt / dann dieweil es ein guten gefunden Luftt vnd in guter
Weid / deren ein Ueberfluß ist / gibt es auch sehr gute kräftige vnd an-
genemme Nahrung / deswegen man diser Enden / mit grosser Anzahl
Wolchen / als Käsen / Ziger / Ancken oder Butter / Läder vnd Vnsch-
itt wol versehen / wie groß vnd feist die Ochsen / in diesem Land wer-
den könnend / ist bey nachvolgendem Exempel abzunemen / Anno
1611. ist ein Ochse so im Wigertal / der Statt Lucern Landtschafft er-
zogen / durch bemelte Statt Lucern / gen Bry geführt / dahin er vmb 100.
Silberkronen verlaufft worden / hat 14. Centner gewogen. Zu Ein-
sidlen in dem Gottes-Haus ist auff die Engelweyhung 1659. einer ge-
schlachtet worden so 2250. Pfund gewogen. So findet man Kühe / die